

四庫全書

集部

欽定四庫全書

文苑英華卷一百五十三 宋 李昉等 編

天部三

雨十七首 喜雨九首

對雨十二首 苦雨九首

雜題雨三十首

雨

詠細雨 梁孝元帝

風輕不動葉雨細未霑衣入樓如霧上拂馬似塵飛

詠雨

唐太宗

和風吹綠野梅雨洒芳田新流添舊澗宿露足朝煙雁
濕行無次花霑色更鮮對此忻登歲披襟弄五絃

雨

李嶠

西北雲膚起東南雨足來靈童出海見神女向山迴斜
影風前合圓文水上開十旬無破塊九土信康哉

微雨

僧皎然

見高僧詩

片雨拂簷楹煩襟四座清霏微過麥隴洒一作蕭散傍蓑
城靜愛和花藥幽聞入竹聲朝觀趣無盡高詠寄閒情

山雨

雜言

前人

一片雨半山晴長風吹落西山下滿樹蕭蕭心耳清雲
鶴驚亂下水香凝不然風迴雨定芭蕉濕一滴時時入
畫禪

雨

孟郊

朝見一片雲暮成千里雨淒清濕高枝散漫霑荒土

陰雨二首

白居易

潤葉濡枝決四方濃雲來去勢何長曠然寰宇清風滿
救旱功高暑氣涼

二

嵐霧今朝重江山此地深灘聲秋更急峽氣曉多陰望
闕雲遮眼思鄉淚集作雨滴心將何慰幽獨賴此北窓琴

雨

杜牧

連雲接塞添迢遞洒幕侵燈送寂寥一夜不眠孤客耳

主人窓外有芭蕉

細雨二首

溫庭筠

細雨濛濛入絳紗
澧湖寒食孟珠家
南朝漫自稱流品
宮體何曾為杏花

二

憑軒望秋雨涼入暑衣清
極目鳥頻沒片時雲復輕
沼萍開更歛山葉動還鳴
楚客秋江上蕭蕭故國情

秋雨

前人

雲雨疑鳥行滅池涼龍氣腥斜飄者碁簞踈望山亭
細響鳴林葉圓文破沼萍秋陰杳無際平野但冥冥

春雨

薛能

電濶疑照潺潺驚流往復還遠聲如有洞迷色似巫集作

無山利物乾坤內并風竹樹間靜思來朔漠愁望滿柴

關迸濕消塵慮吹風觸病顏誰知草茅逕集作沾此尚

虛閒

夏雨

前人

何處發天涯風雷一道賒去聲隨地急殘勢傍樓斜透
樹垂紅葉沾塵帶落花瀟湘無限思閒看下蒹葭

雨

韓 琮

陰雲拂地散絲輕長得為霖濟物名夜浦漲歸天塹濶
春風洒入御溝平軒車幾處歸頻濕羅綺何人去欲生
疑不及流他荷葉上似珠無數轉分明

雨

張 蠡

半夜西亭雨離人獨啓關桑麻荒舊國雷電照前山細

滴高槐底繁聲疊漏間唯應狐鏡裏明月長愁顏

羅鄴

春雨

兼風颯颯洒皇州能滯春寒阻勝遊
半夜五侯池館裏

美人驚起為花愁

喜雨

庾肩吾

從駕喜雨

西嶽浮鐫桂東皇事溢類聚作浴蘭赦詔還京師類聚作兆歸神

出灌壇濕風含酒氣陰雲助麥寒
典農欣受職治粟喜

當官復此隨車雨
民人類聚作天知可安

喜雨

魏 收

霞暉染刻棟礎潤上雕楹
神山千葉照仙草百花榮
瀉溜高齋響添池曲岸平
滴下如珠落波迴類壁成
氣調登萬里年和欣百靈
定知丹甌出何須銅雀鳴

和李司錄喜雨

庾 信見類聚節文

純陽實久亢雲漢乃昭
回臨河沉璧玉夾道畫
龍媒離光初繞電震氣
始乘雷海童還碣石神
女向陽臺雲遂

魚鱗起渠隨龍骨開崩沙雜水去卧樹擁槎來嘉禾雙
合穎熟稻再含胎屬此欣膏露逢君摘揆才愧之疑作
瓊將玖無酬美且偲

晚秋喜雨

并序

李嶠

咸亨元年自四月不雨至于秋九月王畿之內嘉穀不
滋君子小人惶惶如也天子慮深求瘼念在責躬避寢
損膳錄寃弛役牲幣之禮遍於神祇鍾庾之貸周於窮
乏至誠斯盛疑作靈暎有融爰降甘澤大極疑作炎亢

朝廷公卿相趨動色里閉門庶謳吟成響年和俗阜於
焉可致撫事形言孰云能已乃為詩曰

積陽纏首夏隆旱屆徂秋炎威振皇服歆景暴神州氣

滌朝川朗光澄夕照浮草木委林甸禾黍悴原疇國懼

流金膏人深懸磬憂紫宸兢履薄丹宸念惟疑作溝望

推

肅壇場祀寃中囹圄囚御車遷玉殿薦菲撤瓊羞濟宮
邦儲發蠲窮井賦優服閒雲驥屏冗術土龍脩睿感通
三極天誠貫六幽夏祈良未擬商禱詎為儔穴蟻禎符

應山蛇毒影收騰雲八際滿飛雨四溟周聚藹籠仙闕
連霏繞畫樓早陂仍積水洄洑更通流晚穗萎還結寒
苗瘁復抽九農歡歲阜萬寓慶時休野洽如坻詠途喧
擊壤謳幸聞東李疑道欣奉北場遊

西山祈雨

是日輒應因賦詩言事

張九齡

見文粹

茲山蘊靈異走望良有歸丘禱亦一作雖已久
心難重

遠遲明申藻薦先夕旅嵒扉獨宿雲峰下蕭條人吏稀
我來不外適幽抱自中微靜入風泉奏涼生松枯園窮

年滯遠想寸晷閱清輝虛美悵無屬素情緘所依遭一作
詭隨嫌弱操羈束謝貞肥義濟亦吾道誠存為物祈靈
心歛以應甘液幸而飛閉閤且無責隨車安敢希多慙
德不感知復是耶非

和崔尚書喜雨

前人

積陽雖有悔

集作晦

經月未為災上念人天重先祈雲漢

回仁心及草木號令起風雷照爛陰霞上交紛瑞雨來

三農被

集作破

黍稷四遠

集作達

屏氛埃池溜因添滿林芳

為酒開聽中聲滴瀝望處影徘徊惠澤成豐歲昌言發
上才無論驗石鼓不是御雲臺直煩皇恩浹崇朝過九

垓

喜雨

杜甫

南國旱無雨今朝江出雲入空纔漠漠洒迥已紛紛巢
燕高飛盡林花潤色分晚來聲不絕應是集作夜深聞

同薛員外喜雨詩兼上楊使君

釋皎然

積旱思飛洒蒸民喜亦傾郊雲不待族雨色飛江城
積稼濯又發敗荷滋更榮時隨霧縠重集作柳絲輕一宿
恐魚飛數朝徵鶴集作鶴鳴毒暑澄為冷高塵滌還清乃
知陰陽數制在理化情及此接歡賀臨風聞頌聲

喜雨

白居易

西北油然雲勢濃
澗吏霧沛雨飄空
頓蘇萬物焦枯意
定省秋郊稼穡豐

賀雨

前人

皇帝嗣寶曆元和三年冬自冬及春暮不雨旱熾熾上
心念下民懼歲成災凶遂下罪己詔殷勤告萬邦帝曰
予一人繼天承祖宗憂勤不遑寧夙夜心沖沖元年誅
劉闢一舉清巴邛二年戮李錡不戰安江東顧惟眇眇
德遠有巍巍功或者大天一作降沴無乃儆予躬上思答
天戒下思致時雖莫如率其身慈和與儉恭乃命罷進
獻乃命賑饑窮宥死降五刑已責二字出左傳文
粹作責已非寬三
農宮女出宣徽廐馬減飛龍庶政無不舉皆出自宸衷

奔騰道路人偃偻田野翁歡呼相告報感泣沾胷順

人人心悅先天天意從詔下纔七日和氣生冲融凝為

悠悠一作油雲散作習習風晝夜三日雨淒淒復濛濛萬

心春熙熙百穀秋芄芄人變愁為喜歲易儉為豐乃知

王者心憂樂與衆同皇天與后土所感無不通冠珮何

鏘鏘將相及王公蹈舞呼萬歲列賀朝廷中小臣誠愚

陋職忝金鑾宮稽首再三拜一言獻天聰君以明為聖

臣以貞為忠敢賀有其始亦願有其終

對雨

對雨

梁朱起

當夏苦炎埃習靜對花臺
落照依山盡浮涼帶雨來
重

雲出

類聚
作吐

飛電高棟響行雷
洒樹輕花發滴沼細萍開

汎泳縈堦草奔流起砌苔
無因假輕蓋徒然想上才

對雨有懷

北齊劉逖

重輪宵犯畢行雨旦浮空
細落疑含露類聚
作霧斜飛覺帶

風濕槐仍足綠沾蓮類聚
作桃更上紅無由似玄豹
縱意坐

山中

閑居對雨

陳陰鏗

四冥

一作冥

飛早

一作旦

雨三徑絕來遊震位雷聲發離宮

電影浮山雲遙似帶庭芥

一作葉

近成舟茅簷下亂滴石

竇引澗流寄言一高士如何麥不收

一作皆藝文類聚

單于川對雨

蘇味道

見集本

飛雨欲迎旬浮甘已送春還從濯枝後來應洗兵辰氣

合龍祠外聲過鯨海濱
伐邢知有屬已見靜邊塵

對雨

李白

集無此詩

卷簾聊舉目
露濕草綿綿
古岫披雲毳
空庭織碎煙
水

紅疑作愁不起
風線重難牽
盡日扶犁叟
往來江樹前

和段學士南亭春日對雨

喻鳧

晨飛晚未休
蘭閣客吟愁
蕭颯柳邊挂
縈紆花底流
聲

繁乍雜集疑籟酒急不成漚
經夕江湖思煙波一釣舟

春暮對雨

劉得仁

春暮雨微微翻疑墜葉時氣蒙楊柳重寒勒牡丹遲未
夕鳥先宿然疑晴人有期何當廓陰閉新暑竹風吹

精舍對雨

戴叔倫

空門寂寂澹吾身
谿雨微微洗客塵
卧向白雲晴未盡
任他黃鳥醉芳春

對雨愁悶寄錢大郎中

劉灣

積雨細紛紛
饑寒命不分
攬衣愁見肘
窺鏡覓從讀如

入口文九陌成泥海
千山盡濕雲
龍鍾驅款段
到處倍

思君

盧氏池上對雨

溫庭筠

簟翻涼氣集溪上
潤殘茶萍皺風來後
荷喧雨到時寂
寥閒望久飄洒
獨歸遲無限松江恨
煩君解釣絲

春初對暮雨

前人

浙澀生叢篠
空疑濛沙網
軒暝姿看遠
樹春意入塵根
點細飄風急
聲輕入夜繁
雀喧爭槿樹
人靜出蔬園
瓦濕光先起
房深影易昏
不應江上草
相與滯王孫

夏日對雨

裴度

登樓逃盛夏萬象正埃塵對面雷噴樹當街雨趁人簷
疎蛛網重池濕燕泥新吟罷清風起荷香滿四鄰

苦雨

苦雨寄房休

集作四

昆季

高適

獨坐見多雨况茲兼索居茫茫十月交

集作郊非

窮陰千里

餘彌望無端倪北風擊林菸白月

集作日

眇難見

集作觀

黃

雲爭卷舒安

集作焉

得造化功曠然一掃除滴瀝簷宇愁

寂寥談笑跡泥塗擁城郭水潦盤丘墟惆悵憫田農徘徊傷里閭曾是力耕稅曷云無斗儲萬事切中懷十年

思上書君門嗟緬邈身計念居諸沉吟顧草茅鬱快任

盈虛黃鶴

集作鵠

不可羨鳴雞時起予故人平臺側高館

臨東渠兄弟方荀陳才華貫

集作冠

應徐彈琴自多暇飲

酒復

集作更

何如知人想林宗直道慙史魚推

集作手風

流在開襟鄙怯祛寧能訪窮巷相與對家

一作嘉蔬

在淞苦雨歸桃花崦傷親友略盡

顧況

廢氣忝殘生後來亦先天詩人感風雨長夜何時曉去
國官情無近鄉歸夢少庇身絕中援甘靜忘外擾麗景
變重陰洞山空木表靈潮若可通寄謝西飛鳥

苦雨

前人

朝與佳人期碧樹生紅萼暮與佳人期飛雨洒清閣佳
人宵何許中夜心寂寞試憶花正開復驚葉初落行騎
飛泉鹿卧聽雙海鶴嘉願有所從安得處其薄

南海苦雨寄贈王四侍御

楊 衡

炎風雜海氣，暑雨每成霖。
塗泥親杖屨，苔蘚漬衣襟。
念近劇懷遠，涉淺定知深。
暗溝夜滴滴，荒庭晝霏霏。
折簡展離曠，理逕俟招尋。
處陰誠多慘，况乃觸隅禽。

此詩二百五十七卷重出，今已削去。

雨中寄張博士籍侯主簿喜 韓 愈

放朝還不報夜半，一作半路蹋泥歸。
雨慣曾無節，雷頻自失

威。見墻生菌，偏憂麥作蛾飛。歲晚偏蕭索，誰當救晉饑。

此詩二百五十卷重出今已削去注異同為一作

苦雨行

劉禹錫

悠悠飛走情同樂在陽和歲中三百日常苦風雨多天
人信遐遠時節易蹉跎洞房有明燭無乃酣且歌

和韓侍郎苦雨

白居易

潤氣凝柱礎繁聲注瓦溝閣流窓不曉涼引簟先秋葉
濕蟄應病泥稀鷺亦愁仍聞放朝夜誤出到街頭

酬王

集作任

疇協律夏中苦雨見寄

姚合

銀漢波瀾溢經旬雨不

一作未

休細聽宜隔牖遠望憶高

樓風急飄還斷雲低落更稠走童驚掣電鳥啄浮漚

絲網張空際珠繩續瓦溝青蛙多入戶潢潦欲勝舟雷

怒疑山破池渾似土流灰人漫襍厭水馬恣沉浮廣陌

應翻浪貧家

集作居貧

恐作湫陽精藏不摧陰氣盛難收遠

色重林暮繁聲四壁愁

集本無此四句

望晴思見日防冷欲披

裘枕賦

集作潤

眠還懶車羸出轉憂琴書涼簟靜燈燭夜

窓幽樹暗蟬吟咽，巢傾鶯語愁。薄煙凝竈額，荒草覆墻

頭。天上那能問龍邊，本不求。

集作豈易求此兩句仍在幽字韻下

下床先

杖一作履，汲井抵瓢。

集作恐飄

遠思成涯淚，佳期念阻脩。

集作酒思，妻方罷詩，情耿耿始此二句仍在頭字韻下

殷勤集作勞君

寄新什，清韻益

難酬

集作終日不能酬

苦雨

前人

江昏山半晴

集作山昏天半晴

南阻絕，人行葭葦連雲色。杉松

共雨聲，早秋仍燕舞。深夜更鼉鳴，為報迷津客。訛言未

可輕

雜題雨

賦得入階雨

梁簡文帝

細雨階前入，洒砌復沾帷。
漬花枝覺重，濕鳥羽

類聚飛作翻

遲儻令斜日照，併欲似蓬

類聚遊絲作遊絲

和太子春林晚雨

梁劉孝威

雲樹交為密，雨日共成虹。
雷舒長男氣，枝搖少女風。
葉珠垂滴水，檐繩下溜空。
蝶濡飛不颺，花沾色更紅。
明離

信養德能事畢春宮誰堪偶鳳吹唯有浮丘公

行還值雨又為清道所駐 前 人

齊楚盤石貴韓吳異姓王俱來早朝罷相隨出建章喧

呼驚里閑叫咷駭康莊阜駟同隼擊青鞵細鞵以盛印似鷹

揚掖門南北遠復道東西長幡旗爭絡繹官騎鬱相望

微風生榮傳輕雨潤惟裳油衣紛競道小蓋列成行八

舍便繁密五營輿服光迴車避司隸也側軒揖內郎况

余白屋士自依卑路旁日月雖臨照不陋難明駮早榮

羞日及晚知慙豫章徒抱凌雲意終愧摩天翔安能久
淪辱圖南會方

望雨

前人

清陰蕩暄濁飛雨入堦廊瞻空亂無緒望雷耿成行交
枝含曉潤雜葉帶新光浮芥離還聚沿漚滅復張浴禽
飄落毳風行散餘香瓊綃疑掛綃幕象簞列華床侍童
拂羽扇厨人奉盪漿

初學記類聚並無此四句詳此詩
象筆列華床乃夏日雨也按內則

有漿有盪
注盪涼也寄言楚臺客雄風詎獨涼

擬雨

梁虞騫

見類聚

清風送涼氣，薄暮蕩炎氛。
虹照漣漪水，電出嵯峨雲。
落暉散長足，細雨織斜文。

秋雨卧疾

劉孝綽

賈君徭役少，潘生民務稀。
及此同多暇，高卧掩重闔。
寂寞冥桑榆。集作榆葉晚滂沱，
曠不晞。電隙時光帳，
風簾乍扣扉。

集作如飛

望夕雨

劉苞

崇朝邁行雨薄晚屯密雲緣階起素沫竟水散圓文河
柳低未舉山桃落已紛清罇久不薦淹留遂待君

雨從箕山來

宋之問

雨從箕山來條

集作條

與飄風度精明西風

集作峯

日綠縹

南溪樹此時客精廬幸蒙真僧顧深入清淨理妙斷往
來趣意得兩契如言盡共忘喻觀花寂不動聞鳥懸可
晤向夕聞天香留戀不能去

春夜雨

杜甫

好雨知時節當春及乃集作發生隨風潛入夜潤物細無
聲野徑雲俱黑江船火獨明曉看紅濕處花重錦官城

朝雨

涼風曉蕭蕭江雲亂眼飄風鴛鴦藏近渚雨燕集深條黃
綺終辭漢巢由不見堯草堂樽酒在幸得過清朝

雨

前人

萬木雲深隱連山雨未開風扉掩不定水鳥去集作仍
迴蛟館如鳴杼樵舟豈伐枚清涼破炎毒衰意欲登臺

黃梅雨

前人

南京西

集作
犀

浦市

集作
道

四月熟黃梅湛湛長江去溟溟

細雨來萌汰疎易濕雲霧密難開竟日蛟龍喜盤渦與

岸迴

雨不絕

前人

鳴雨既過小雨微

集作
細微

映空搖颺如絲飛堦前短草

泥不亂院裏長條風乍稀舞石旋應將孔子行雲莫自

濕仙衣眼前江舸何忽促不得

集作
未得

安流逆浪歸

江山阻風雨

岑參

江上風欲來泊舟未能發
氣昏雨已過突兀山復出
積浪成高丘盤渦為嵌窟
雲低岸花掩水漲灘草沒
老樹蛇退皮崩崖龍退骨
平生抱忠信灘險殊可忽

詠浮漚為辛明府作

鄭縉

行潦散輕漚清規晚

吐一作

未收雨來波際合風起浪中

浮晶晃明苔砌參差繞芥舟影疑星泛曉光似露涵

一作

舍秋皎皎珠同淨漂漂梗共流
潔容無變染圓知有謙

柔欲作微涓效先從淡水遊

此詩一百六十四卷重出今已削去注異同為一作

酬劉員外雨中見寄

錢起

苦雨滴蘭砌淒風生葛衣
潢汙三逕絕礎杵四鄰
稀分與玄豹隱不為湘鷺飛
慙君角巾折猶肯問衡闈

陸勝

一作瑛

宅秋暮雨中賦韻

一作探韻同作

張南史

見問氣集

同人永日自相將，深竹閒園偶辟疆。
已被秋風教憶繪，更聞寒雨勸飛觴。
歸心莫問三江水，旅服從沾九月霜。
醉裏欲尋騎馬路，蕭條幾處有垂楊。

此詩二百十五卷重出，今已削去。

酬苗員外仲夏歸郊居遇雨見寄

盧綸

雷響風仍急，人歸鳥亦還。
亂雲方至水，驟雨已喧山。
田鼠依林上，池魚戲草間。
因茲集作高屏埃霧，一詠一開顏。

夜雨見投

司空曙

出戶繁星盡池塘暗不開
動衣涼氣度遞樹遠聲來
燈外初行電城隅忽隱雷
因知謝文學曉望北塵埃

酬韓祭酒雨中見寄

張籍

雨中愁不出陰黑盡連宵
屋濕惟添漏泥深未放朝
無芻憐馬瘦少食信兒嬌
聞道韓夫子還同此寂寥

和李僕射雨中寄盧巖二給事前人

郊原飛雨至城闕濕雲埋
逆點時穿牖浮漚欲上階
偏

滋解籜竹併洒落花槐晚潤生琴匣新涼滿藥齋從容

朝霧退

一作後

放曠掖曹乖

一作齋

盡日無來客閒吟感此懷

奉和門下相公雨中寄裴給事

姚合

曉起門省雨垂簷自滴堦風清想林壑雲濕似江淮石
信浮漚重泥從積蘚埋氣消濃酒力心助獨吟懷颼颼
通琴韻蕭蕭靜竹齋綵毫無限思念與夕郎乖

江上雨寄崔碣

杜牧

春半平江雨圓文破蜀羅聲眠蓬底客寒濕釣來蓑暗
澹遮山遠空濛着柳多此時懷一恨相望意如何

此詩二百一十六卷重出今已削去

夜雨

前人

九月三十日雨聲如初秋無端滿階葉共白幾人頭點
滴侵寒夢蕭騷着淡愁漁歌聽不唱蓑濕掉回舟

大雨行

前人

東垠黑風駕海水海底卷上天中央三吳六月忽悽慘

晚後點滴來蒼茫
鉦棧雷車軸轍壯
矯躍集作蛟龍爪

尾長神鞭鬼馭載陰帝
來往噴灑何顛狂
四面崩騰玉

京仗萬里縱橫集作羽林槍雲纏風束勢集作歆磻黃

帝未勝蚩尤強百川氣勢苦豪俊
坤闕密鎖愁開張太

和六年亦如此我時氣壯神洋洋
東樓聳首看不足恨

無羽翼高飛翔盡白邑中豪健者
濶展朱盤開酒場奔

觥槌鼓助聲勢眼底不顧纖腰娘
今來集作鬪茸鬢已

白奇遊壯觀唯深藏景物不盡人
自老誰知前事堪悲

傷

雨夜贈元十八

白居易

卑濕沙頭宅連陰雨夜天共聽
簷溜滴心事兩悠然把酒循環
飲移床曲尺眠莫言非故舊相
識已三年

秋雨夜眠

前人

涼冷三秋夜安門一老翁
卧遲燈滅後睡美雨聲中
灰宿溫瓶火香添煖被籠
曉晴寒未起霜葉滿階紅

雨夜寄馬戴

賈島

芳林杏花樹花落子西東今夕曲江雨寒催朔北風鄉
書滄海絕隱路翠微通寂寂相思際紅江殘漏中

蜀中春雨

鄭谷

海棠風外獨霑巾襟袖無端惹蜀塵和暖又逢挑菜日
寂寥未是探花人不嫌蟻酒衝愁肺却憶漁蓑覆病身
何事晚來微雨後錦江春學曲江一作非春

荆渚八月十五日夜值雨寄同年李嶼

前人

共待清光

集作
暉光

夜翻成暗淡秋正宜清路望潛起滴階


愁棹倚柔公

集作
宏

渚簾垂庾亮樓桂無香實落蘭有露

花休玉漏添蕭索金樽阻獻酬明年佳景在相約向神

州



文苑英華卷一百五十三

欽定四庫全書

集部

文苑英華卷一百五十四至一百五十六

詳校官內閣學士臣瑞保

助教臣常循覆勘

總校官進士臣朱鈐

校對官編修臣秦泉

謄錄監生臣于希賢

欽定四庫全書

文苑英華卷一百五十四

宋

李昉等

編

天部四

詠雪三十三首

對雪十七首

喜雪七首

詠雪

同劉詒議詠春雪

梁簡文帝

晚霰飛銀磔浮雲暗未開入池消不積因風墮

類聚作隨復

來思婦流黃素

張載四愁詩何
以報之流黃素

溫姬玉鏡臺看花言可

挿類聚

作折定自非春梅

雪朝

前人

同雲凝暮序嚴陰屯廣隰落梅飛四注翻雲舞三襲實
斷望如連恒分似相及已觀池影亂復視簾珠濕

和謝朓花雪

任昉

土膏候年動禎

類聚
作積

雪表辰暮散藹似浮玉飛英若總

素東序皆白珩西雍盡翔鷺山經陋密榮騷人貶瓊樹

花雪

庚肩吾

瑞雪墜堯年因風入綺錢
飛花洒庭樹凝瑛結井泉
寒

光晦八極同雲暗九天
已飄黃石

類聚作竹

路還

類聚作共

慶白

渠田

詠雪

吳均

微風過

初學記作搖

庭樹細雪下簾隙
縈空如霧轉凝階似

花積不見楊柳春
徒看桂枝白零淚
無人道相思空何

益

同前

前人

雪逐春風來過集巫山野爛熳雖可愛翻揚詎堪把問
君何所思一作知思昔一作昔同心者坐須風雪霽相期洛
城下

此詩一百五十六卷重出今已削去注異同為一
作

同前

裴子野

飄飄千里雪倏忽度龍沙從雲合且散因風捲復斜拂

草如連蝶落樹似飛花若贈離居者折以代瑤華

同前

何遜

凝階夜似月拂樹曉疑春蕭散忽如盡徘徊已復新暫
蔽卷紈質無漸施粉人

此二句以集本添入

若逐微風起誰言非

玉塵

同前

徐陵

瓊林玄圃葉桂樹日南華豈若天庭瑞輕雪帶風斜三
農喜盈尺六出舞崇華明朝闕門外應見海神車

雪

董思恭

天山飛雪度言是落花朝惜哉不我與蕭索從風飄鮮
潔凌紈素紛糝下枝條良書

類聚作
良詩

竟何在坐見容華

銷

同前

駱賓王

龍雲玉葉上鶴雪瑞華

集作
花

新影亂銅烏吹光銷玉馬

津含輝朗

集作
明

素篆隱迹奉

集作
表

祥輪幽蘭不可儼徒

自繞陽春

同前

李嶠

瑞雪驚千里從風下

一作同
雲暗

九霄地疑明月夜

一作龍
沙風正

遠山似白雲朝

一作玉馬
地還銷

遂舞花光動臨歌扇影飄大

周天闕路今日海神朝

同前

王烈

雪飛當夢蝶風度幾驚人
半夜一牕曉平明千樹春花
園應失路白屋忽為隣
散入仙厨去還為雲母塵

同前

一字至
七字

張南史

雪雪花片玉屑簇陰風凝暮節高嶺虛晶平原廣潔初從

雪

集作雲

外飄還向空中噓十門萬戶皆靜獸炭皮裘自

熱此時雙舞洛陽人誰悟郢中歌斷絕

雪中作

韋應物

空堂歲已晏密室獨成

集作安

眠壓條

集作葆

夜偏積覆閣

曉愈

集作適

妍連山暗古郡驚風散一川此時騎馬出忽

憶

集此有

京華年

雪夜下朝呈省中一絕

前人

南望青山滿禁闈
曉陪鴛鴦正差池
共愛來朝何處雪
蓬萊宮裏拂松枝

春雪

前人

春雪滿空來
觸處是花開
不知園裏樹
若箇是真梅

雪二首

司空曙

樂遊春苑望鵝毛
宮殿如星樹似毫
漫漫一川橫渭水
太陽初出五陵高

二

王屋南崖見洛城石龕松寺上方平半山榭葉當牕下
一夜曾聞雪打聲

春雪

韓愈

觀雪乘清旦無人坐獨謠拂花輕尚起落地暖初消已
訝凌歌扇還來伴舞腰酒盞留密節着柳送長條入鏡
鸞窺沼行天馬度橋徧階憐可掬滿樹戲成搖江浪迎
濤日風毛縱獵朝弄閒時細轉爭急忽驚飄城險疑懸
布砧寒未擣綃莫愁陰景促夜色自相饒

詠雪贈張籍

前人

祇見縱橫落寧知遠近來飄飄還自弄歷亂竟誰催
暖消那怪池清失可猜坳中初蓋底埤處遂成堆
慢有先居後輕多去却回度前鋪瓦墮奔發積墻隈
穿細時雙透乘危忽半摧舞深逢坎井集早值層臺
砧練終宜擣階紈未暇裁城寒粧睥睨樹凍裏莓苔
片片勻如剪紛紛碎若按定非煇鵲驚真是屑瓊
瑰締結觀朝萼冥茫矚晚埃當牕恒凜凜出戶即皚
皚潤野榮芝菌傾都

委貨財娥嬉華蕩濊胥怒浪崔嵬磧迥宜

集作

浮地雲

平想輟雷隨車翻縞帶逐馬散銀盃萬物漫汗合十株
照耀開松篁遭挫抑糞壤獲饒培隔絕門庭遽擠排階
級纔豈堪裨獄鎮強欲効盟梅隱匿瑕疵盡包羅委瑣
該誤鷄宵呃喔驚雀暗徘徊浩浩過三暮悠悠匝九垓
鯨鯢陸死骨玉石火炎灰厚慮填溟壑高愁擻斗魁日
輪埋欲側坤軸壓將頽堰似長蛇擾陵猶巨象逐水宮
誇傑點木氣怯胚胎着地無由卷連天不易推龍魚冷

螫苦虎豹餓號哀巧借奢豪便專繩困約災威貪凌布
被光肯離金罍賞玩捐他事歌謠放我才狂教詩碑
與酒陪鯁惟子誰集作能諳耳諸人得語哉助留風作
黨勸坐火為媒雕刻文刀利搜求智網恢莫煩相屬和
傳示及提孩

春雪

前人

片片驅鴻急紛紛逐吹斜到江還作水着樹漸成花越
喜非排瘴胡愁原一作厚蓋沙魚雲封洞口助月照天涯

暝見迷巢鳥朝逢失轍車呈豐盡相賀寧止力耕家

同前

新年都未有芳華二月初驚見草芽白雪却嫌春色晚
故穿庭樹作飛花

雪夜對酒招客

白居易

帳小青氈暖杯香綠蟻新醉憐今夜雪歡憶去年人暗
落燈花燼聞生草座塵殷勤報絃管明日有佳賓

江州雪

前人

新雪滿前山初晴好天氣日西騎馬出忽有京都意城
柳方綴花簷冰纒結穗湏臾風日暖處處皆飄墜行吟
賞未足坐歎銷何易猶勝嶺南看霧霽不到地

小雪

釋無可

片片下玲瓏飛揚玉露中乍微全滿地漸密更無風集
物圓方別連雲遠近同作膏凝瘠土呈瑞下深宮透漏
推牕隙紛紜失藥叢飄秦增舊嶺發漢攪長空迴冒巢
松鶴孤鳴穴鳥蟲過三知臘盡盈尺賀長年集作豐委積

休聞竹稀疎漸見鴻蓋沙資澶漫洒海助冲融草木潛
加潤山河更益雄因知天地力覆育有全功

雪

前人

松亞竹珊珊心知萬井歡山明迷舊逕溪滿漲新澗客
醉瑤臺曙兵防玉塞寒紅樓知有酒誰肯學袁安

和賓客相國詠雪詩

前人

集無此詩

近牖千巖白迎春四氣催雲陰連海起風急度山來盡
日隋堤絮經冬越嶺梅艷疑歌處散輕似舞時迴道韞

詩傳麗相如賦騁才霽添松篠媚寒積蕙蘭猜暗漲宮
池水平封輦路埃燭龍初照耀巢鶴乍徘徊簷日瓊先
挂墻風粉旋推五門環玉壘雙闕對瑤臺綺席凌寒坐
珠簾遠曙開靈芝霜下秀仙桂月中栽卷幌書千帙援
琴酒百盃垂休編太史呈瑞表中台皓夜迷三徑浮光
徹九垓茲辰是豐歲歌詠屬良哉

雪夜與友人同宿曉寄近

溫庭筠

閉門羣動息積雪透疎林有客寒方覺無聲曉已深正

繁聞近鴈併落起棲禽寂寞寒塘路憐君獨阻尋

集作履跡

行當滿依
依欲阻尋

此詩二百一十七卷及二百六十一卷重出今已

削去

雪二首

前人

硯水池先凍牕風酒易消雅

即鴉字

聲出山郭人跡過村

橋稍急方縈轉才深未寂寥細光穿暗隙輕白駐寒條

草靜封還新疑

松欹墮復搖謝莊今病眼無意坐通宵

二

羸駝出更慵
林寺已踈鐘
踏緊寒聲澁
飛交細點重
圓斜人過跡
階靜鳥行蹤
寥寂梁鴻病
誰人代夜春

同前

李洞

迢迢來極塞
連關謂疑風吹禪客呵
金錫征人擘凍旗
細填蟲穴滿
重壓鶴巢欹
有影晴飄野
無聲夜落池
正繁秦甸暖
漸厚楚宮飢
凍把分泉澁
光凝二閣癡
踏遺蘭署跡
聽起石門思
用表豐年瑞
無令掃玉墀

同前

羅隱

細玉羅紋下碧霄

杜門顏傾集作

巷落偏饒巢居只恐高

柯折旅客愁聞去路遙
極凍野蔬和粉重
掃庭松葉帶

蘇燒寒牕呵筆尋
詩句一片飛來紙上銷

對雪

對雪

劉孝綽

見初學記

桂華殊皎皎柳絮亦霏霏
詎比咸池曲飄飄千里飛
耻均班女扇羞儼曹人衣
浮光亂粉壁積照朗形闌

此下集有

全篇今並錄于此鶴鶴搖羽至鴨鷗拂翅歸相彼猶有
得嗟余獨有遺終朝守玉署方夜勞金扉未能奏細帙
何由辨國關坐銷風霧質遊豔珠璧暉偶懷笨
車是良知高益非寄言謝端本無為陳巧機

洛濱對雪憶二兄弟

駱賓王

旅思眇難裁衝飈憤

集作恨

易哀曠望洛川晚飄飄瑞雪

來積彩明書帳流韻響

集作繞

琴臺色奪迎仙羽花遍

集作

避犯霜

集作雪

梅謝庭賞方逸棗扉掩未開高人儻有訪

典盡詎須迴

立春日晨起對積雪

張九齡

忽對林庭雪瑤花處處開今年迎氣始昨夜伴春迴玉
潤牕前竹花繁院裏梅東郊齋祭所應見五神來

冬晚對雪憶胡處士

王邵

寒更傳唱晚清鏡覽衰顏隔牖風驚竹開簾雪滿山洒
空深巷靜積素廣庭閒借問袁安舍脩然尚閉關

和張丞相春朝對雪

孟浩然

迎氣當春至集作承思喜雪來潤從河漢下集作落花逼

艷陽開不覩豐年瑞焉集作安知燮理才撒鹽如可擬願

糝和羹梅

省中對雪寄判官拾遺昆季

集作省中對雪寄謝舍人昆季

錢起

萬點瑤臺雪飛來錦帳前
瓊枝應比淨鶴疑敢爭先
散影成華月流光透竹煙
今朝謝家興幾處郢歌傳

淮海對雪贈傅靄

李白

朔雪落吳天從風度溟渤
海樹成陽春江山集作沙皓明

月興從剡溪起思繞梁山發
寄君郢中歌曲罷心斷絕

對雪

杜甫

北雪犯長沙胡雲冷萬家隨風且開

集作問

葉帶雨不成

花金錯囊徒罄銀壺酒易賒無人竭浮蟻有待至昏鴉

何遜詩云城陰沒
並黑昏鴉接翅歸

同前

戰國多新鬼愁吟獨老翁亂雲低薄暮急雪舞迴風
瓢棄樽無綠爐存火似紅數州消息斷愁坐正書空

對雪贈徐秀才

韋應物

霏霏寒欲收，靄靄陰還結。晨起望南端，千林散春雪。妍
光屬瑤階，亂緒陵新節。無為掩扉卧，獨守袁生轍。

滁州對雪

前人

晨起滿帳

集作
閑

雪憶在

集作
朝

閭闔時玉座分曙早，金爐

上煙遲飄散。雲臺下陵亂，桂樹姿厠跡。鴛鴦未蹈舞，豐
年期今朝覆山。郡寂寞復何為。

對雪

許渾

飛舞北風涼，玉人歌玉堂。簾帷增曙色，珠翠發寒光。柳

重絮微濕梅繁花未香
茲辰賀豐歲蕭鼓宴梁王

和段學士對雪

喻亮

盈尺知豐歲開牕對酒壺
飄當大野匝洒到急流無密
際西風盡凝間朔氣扶乾推
烏棲枿冷射夜殘爐替月
澄斜漢兼沙攪北湖慙於郢
客坐一此調巴歛

對雪二首

李商隱

寒

集作
爽

氣先侵玉女扉清光旋透省
郎闈梅花大庾嶺

頭發柳絮章臺街裏飛欲舞
定隨曹植馬有情應濕謝

莊衣龍山萬里無多遠
留待行人二月歸

二

旋撲珠簾過粉墻
輕於柳絮重於霜
已隨江令誇瓊樹
又入盧家妬玉堂
侵夜可能爭桂魄
忍寒應欲試梅粧
關河凍合東西路
腸斷斑駁送陸郎

對雪

杜荀鶴

風攪長空寒骨生
先於曉色報窓明
江湖不見飛禽影

巖谷時

集作唯

聞折竹聲溝壑本深無復滿

集作多相

巢穴幾處

路歧兼得一般平擁袍公子莫言冷中有樵夫跣足行

對雪

裴說

大片向空舞出門肌骨寒路歧平即易溝壑滿應難免
穴歸時失禽枝宿處乾豪家寧肯厭五月畫圖看

喜雪

奉酬辛大夫喜湖南臘月連日降雪見示之作

劉長卿

長沙耆舊拜旌旌喜見江潭積雪時柳絮三冬先北地

梅花一夜遍南枝初開窓閣寒光滿欲掩軍城暮色遲
閭里何人不相慶萬家同唱郢中詞

喜雪上竇相公

陳羽

千門萬戶雪花浮點點無聲落瓦溝全似玉塵銷更積
半成冰水結還流光添曙色連天遠輕逐春風繞玉樓
平地已沾盈尺潤年豐須賀富人侯

類詩作須
待富人侯

冰水

類詩作
冰片

連天遠

類詩作
清天苑

喜雪獻裴尚書

韓愈

宿雲寒不卷春雪墜

集作

如徒騁巧先投隙潛光亂

集作

早入池喜深將策試驚密仰簷窺自下何曾污增高未

見危比心明可燭拂面愛還吹妬舞時飄袖欺梅併壓

枝地空迷界限砌滿接高卑浩蕩乾坤合霏微物象移

為

集作

祥矜大熟布澤荷平施已分年華晚猶憐曙色

隨氣嚴當酒暖酒急聽窓知照耀臨初日玲瓏滴晚澌

聚庭肴岳聳掃地

集作

見雲披陣勢魚鱗遠書文鳥篆

奇縱歡羅艷點列賀擁熊螭履敞行偏冷門扃卧更羸

悲嘶聞病馬浪走信嬌兒
竈靜愁煙絕絲繁念鬢衰
擬鹽吟舊句投簡幕前規
捧贈同燕石多慙失所宜

西樓喜雪命宴

白居易

宿雲黃慘淡曉雪白飄飄
散麴遮槐市堆花壓柳橋
四郊鋪綺素萬室斲瓊瑤
銀榼携桑落金爐上麗譙
光凝舞妓動寒近醉人銷
歌樂惟集作盈耳慚無五袴謠

春夜喜雪寄王二十二

前人

夜雪有佳趣幽人出書帷
微寒生枕席輕素對集作階

墀坐罷楚絃曲起吟班扇詩明宜滅燈集作燭後靜愛卷

集作簾時窓引曙色早庭消春氣遲山陰應有興不卧

待徽之

早過梨嶺喜雪書情呈崔判官

張起

渡嶺逢朝雪行看馬跡深輕標南國瑞寒慰北人心皎
潔停丹嶂飄颻映綠林共君歌樂土無作白頭吟

奉賀王詩選相公喜雪

皇甫冉

春雪偏當夜暄風却變寒庭深不復掃城曉更宜看命
酒閒令酌披裘晚未冠連營鼓角動忽似戰桑乾

此詩二百三十卷重出今已削去

文苑英華卷一百五十四

欽定四庫全書

文苑英華卷一百五十五 宋 李昉等 編

天部五

詠雪雜題二十八首 晴霽三十首

詠雪雜題

玄都觀春雪

張正見 見初學記

同雲遙映嶺瑞雪近浮空
拂鶴伊川上飄花桂苑中
影麗重輪月飛隨團扇風
還取長歌處帶曲舞春風

翫雪

王衡

寒庭浮春

初學記
作暮

雪疑從千里來皎潔隨處滿流亂逐

風迴壁臺如始構瓊樹似新栽

初學記
作栽

不待陽春節誰

持競落梅

望雪

唐太宗

見初
學記

秋雲宵遍嶺素雪晚凝華入牖千重碎迎風一半斜不
粧空散粉無樹獨飄花縈空慚夕照破彩謝晨霞

和陳校書省中翫雪

包融

芸閣朝來雪飄飄正滿空
塞開明月下校理落花中
色向懷鉛白光因翰簡
融能令草玄者迫思入流風

瑞雪篇

此詩見三百三十一卷歌行門

劉庭琦

南陽北阻雪

孟浩然

我行滯宛許日夕望京豫
曠野莽茫茫鄉山在何處
孤煙村際起歸鴈天邊去
積雪復集作覆平湍集作鼻飢鷹捉

寒兔妙

集作少

年弄文墨屬意在章句
十上恥還家徘徊

守歸路

和王員外雪晴早朝

錢起

紫微晴雪帶恩光，繞仗偏隨鴛鴦行。
長信月留寧避曉，宜春花滿不飛香。
獨看積素凝清禁，已覺輕寒讓太陽。
題柱盛名兼絕唱，風流誰繼漢田郎。

舟中夜雪懷盧侍郎

集作御

杜甫

朔風吹桂水，大雪夜紛紛。
暗度南樓月，寒深北渚雲。
燭斜初近見，舟重竟無聞。
不識山陰路，聽雞更憶君。

秋浦清溪雪夜對酒客有唱山鷓鴣者

李白

披我貂襜褕對君白玉壺
雪花酒上滅頓覺夜寒無
客有桂陽至能吟山鷓鴣
清風動窓竹越鳥鳴起集作相呼
持此足為樂何煩笙與竽

此詩一百六十六卷重出今已削去

終南望餘雪

祖詠

終南陰嶺秀積雪浮雲端
林表明霽色城中增暮寒

竹下殘雪

丘為

一點銷未盡孤明在竹陰晴光夜轉瑩寒氣曉仍深還
對讀書牖且闕乘興心已能依此地終不傍瑤琴

會稽郡樓望雪

張繼

江城昨夜雪如花郢客登樓望霽華大禹壇前仍聚玉
西施渚上更飄紗簾櫳向晚寒風度睥睨初晴落影斜
數處微明消不盡湖山清映越人家

小雪

戴叔倫

類詩作
釋清畫

花雪隨風不厭省更多還肯失

類詩
作蔽

林巒愁人正在書

窓下一片飛來一片寒

韓舍人書齋殘雪

戎昱

風卷黃雲暮雪晴
江烟洗盡柳枝輕
簷前數片無人掃
更得書窓一夜明

早春雪中

前人

陰雲萬里盡漫漫
愁坐關心事幾般
為報春風林下雪
柳條初發不禁寒

晨起登樂遊原望終南積雪
僧皎然

凌晨擁敝裘閒上古原頭雪霽山疑近天高思若浮瓊
峰埋積翠玉嶂掩飛流曜彩舍朝日搖光奪寸眸寒空
標瑞色爽氣襲皇州清眺何人得終當獨再遊

山雪

前

人

見文粹

夕陽在西峰疊翠縈殘雪狂風卷絮迴驚猿攀玉折何
意山中人悞報山花發

盧郎中拜陵遇雪蒙見名因寄

楊巨源

南宮使者有光輝，欲拜諸陵瑞雪飛。
蘋葉已脩青玉薦，柳花仍拂赤車衣。
應同谷口尋春去，定似山陰帶月歸。
寒冷出郊猶未得，羨公將事者芳菲。

和劉夢得終南秋雪

白居易

遍覽古今集，都無秋雪詩。
陽春先唱後，陰嶺未消時。
草訝霜凝重，松疑鶴散遲。
清光莫獨占，還集作亦對白雲司。

洛中

集作下

雪中頻與劉李二賓客宴集，因寄汴

州李尚書

前人

水南水北雪紛紛雪裏歡遊莫厭頻日日暗來唯老病
年年少去是交親碧氈帳暖梅花濕紅燎爐香竹葉春
今日鄒枚俱在洛梁園置酒台何人

積雪

賈島

昔屬時霖滯今逢臘雪多南積飄狂渚北訝雨交河盡
滅平蕪色珍集作重古木柯空中離白氣島外下滄波

隱者迷樵道朝人冷玉珂夕繁仍晝密漏間復鐘和想
積高嵩頂新秋皓月過

殘雪

許渾

憶昨新春霰雪飛
堦前簷上鬪寒姿
狂風送在竹深處
隔日未消花發時
輕壓嫩蔬旁出土
冷衝幽鳥別尋枝
晚來又喜登樓見
一曲高歌和者誰

叙雪寄喻亮

方干

類詩作
杜荀鶴

密片繁聲旋不

類詩作
又未

銷
縈風雜霰轉飄
灑澄江莫蔽

長流色衰柳難粘
自動條濕氣添寒

類詩作
陰森

酌酒夜素

花迎曙

類詩作
晶耀

卷簾朝此時明

類詩
作行

逕無行

類詩
作人跡

唯

望微之間寂寥

方干集中又有叙雪題月同而詩異今並載于此密片無聲急復遲紛紛又勝

落花時迢巡不覺藏莎渚宛轉偏宜傍柳絲透室虛明非月照滿空迴散是風吹高人坐卧才方逸援筆應成

六出
詞

長安雪後

喻坦之

雪

疑

落雲收盡天涯雪霽時草開當井地樹折帶巢枝

野渡滋寒麥高泉漲禁池遙分丹闕出迴對上林宜宿

片攀簷取凝花就砌窺氣陵禽翅東凍入馬蹄危北想

連沙漠南思極海涯冷光兼素彩向暮朔風吹

書齋雪後

趙嘏

擁褐坐茅簷春晴喜初日微風入桃徑爽氣歸

集作縹生

帙頻時苦風雪就景理巾櫛樹暖高鳥來窓閒曙雲出
鄉遙路難越道蹇時易失欲靜又不集作未能東山負芝
朮

寒日閒居新雪

薛能

大雪滿初晨開門萬象新龍鍾雞未起蕭索我何貧
耀
若花前鏡清如物外聲細飛斑戶牖乾洒亂松筠正色

凝高嶺隨流助要津
鼎消微示滓車輟半和塵
茶興留詩客瓜期想
戍人終篇無本字誰別勝陽春

我岷雪

鄭谷

萬仞白雲端經春雪未殘
夏消江峽滿晴照蜀樓寒
造境知僧熟歸林認鶴難
會須朝上集作闕去祇有畫圖看

雪中偶題

前人

亂飄僧舍茶烟濕
密洒歌樓酒力微
江上晚來堪畫處
漁人披得一蓑歸

潤州甘露寺看雪上周相公 羅 隱

篩寒洒白亂溟濛 祈禱集作禱請功兼造化功光薄 乍迷京

口月影交初轉海門風 細粘謝客衣襟集作袂上輕拂集作

墮梁王酒盞中 一種為祥君看取半襖集作襖災沴半年

豐

晴霽

開霽

梁簡文帝

景落商飈靜烟開四郊 謚偃蹇暮山虹游揚下峰日水

文城上動城樓水中出竟微共治功空卧淮陽秩

雨後

梁簡文帝

散絲與山氣忽合復俄晴雷音稍入嶺電影尚連城雨
餘雲稍薄風收熱復生

望夕霽

王筠

連山卷族雲長林息衆籟密樹含綠滋遙峰凝翠靄石
溜正淥殘山泉始澄汰物華方入賞跂予心期會

喜晴

庾信

比日思光景今朝喜暫逢
雨住便生熱雲晴即作風水
白澄還淺花紅燥更濃
已歡無石燕彌欲棄土龍

雨晴

王 曾

初晴物候涼反景照山庄
殘虹低飲澗新溜上侵塘
風

度蟬聲遠雲開鴈

初學記
作鳥

路長

初晴落景

唐太宗

晚霞聊自怡初晴彌可喜
日光百花色風動千株翠
池魚躍不同園鳥聲還異
寄言博通者知余物外志

幽山雨後應令

虞世南

肅城臨上苑
黃山迤桂宮
雨歇連峯翠
烟開竟野通
排
虛翔戲鳥跨
水落長虹日
下林全暗
雲收嶺半空
水泉
鳴石澗
地籟響
品風

雨後

李百藥

晚來風景麗
晴初物色華
薄雲向空盡
輕虹遂望斜
後
窓臨岸竹前
堦枕浦沙
寂寥無與晤
樽酒對風花

雨晴

一作秋霽
二首

杜甫

天外

一作際

秋雲薄從

一作松

西萬里風今朝好晴景久雨

不妨農塞柳行疎翠山梨結小紅胡笳樓上發一鴈入

高空

二

雨晴山不改晴罷峽如新天路看殊俗秋江思殺人有
猿揮淚盡無犬附書頻故國愁眉外長歌欲損神

晚晴二首

前人

村晚驚風度庭幽過雨霑夕陽薰細草江色映疎簾書

亂誰能快盃乾可自添時間有餘論未恠老夫潛

二

返照斜初徹

集作散

浮雲薄未歸江虹明近

集作遠

飲峽雨

落餘飛鳧鴈

集作鵝

終高去熊羆覺自肥秋分客尚在竹

露夕

集作夕

微微

晴二首

前人

久雨巫山暗新晴錦綉文碧知湖外草紅見海東雲竟
日駕相和摩霄鶴數羣野花乾更落風處急紛紛

二

啼鳥爭引子鳴鶴不歸林下食遭多泥集作遭泥去高飛恨

久陰雨聲衝塞盡日氣射江深回首湖南客驅馳魏闕心

院中晚晴省集作懷西郭茅舍前人

天際集作幕府秋風日夜清澹雲踈雨過高城葉心珠集作朱

實者時落階面青苔老更集作先自生復有樓臺銜暮景不

勞鐘鼓報新晴浣花溪裏花饒笑肯信吾兼吏隱名

曉晴

李白

野涼疎雨歇，春色徧萋萋。
魚躍青池滿，鶯吟綠樹低。
野花粧面濕，山草紐斜齊。
零落殘雲片，風吹挂竹谿。

湖中晚霽

常建

湖廣舟自輕，江天欲澄霽。
是時清楚望，氣色猶霾曠。
踟躕金霞白，波上日初麗。
烟紅落鏡中，樹木生天際。
杳杳涯疑欲，斑斑濛濛雲復閉。
言垂星漢明，又觀竅瀛勢微興。
從此愜悠然，不知歲試歌滄浪。
清遂覺乾坤細，肯念客

衣薄將期永投袂遲迴漁父間一鴈聲嘹唳

酬鴻臚裴主簿雨後北樓見贈

王昌齡

暮霞照新晴歸雲猶相逐有懷晨昏暇想見登眺目問
禮待彤檐題詩訪茅屋高樓多今古陳事滿陵谷地久
微子封臺餘孝王築徘徊顧霄漢豁達俯川陸遠水對
秋城長天向喬木公門何清淨列戟森已肅不歎携手
稀常思着鞭速終當拂羽翰輕舉隨鴻鵠

喜晴

劉長卿

曉日西風轉秋天萬里明湖天一種色林鳥百般聲
霽景浮雲滿遊絲映水輕今朝江上客凡慰幾人情

山下晚晴

崔曙

寥寥遠天淨溪路何空濛斜光照疎雨秋氣生白虹
雲盡山色暝蕭條西北風故林歸宿處一葉下梧桐

樂遊原晴望寄中書李侍郎 錢起

爽氣朝來

集作分

萬里清憑高一望九秋

集作愁

輕不知傳

喜晴

時左遷台
州刺史

李敬方

到台十二旬一片雨中春
林果垂楊盡山苗半夏新
陽烏晴展翅陰魄夜飛輪
坐冀無雲物分明見北辰

春晴

任翻

楚國多春雨柴門喜晚晴
幽人臨水坐好鳥隔花鳴
野色臨空闕缺作湖江流接海平
門前到溪路今夜月分明

江城秋霽

戎昱

霽後江城風景涼
豈堪登眺只堪傷
遠天蟬竦收殘雨

說集作霖初霽但見集作堯天日轉明四野山河同集作

通遠色千家砧杵共秋聲遙指集作青雲丞相府何時集作

開閣對集作書生引

泉上雨後作

元季川

風動蕩煩暑雨息佳霽初衆峰帶閒雲秋氣入我廬颯

颯鮮一作颯來窺臨一作窺愜所圖綠蘿長新蔓裊裊垂

座隅流水復簷下丹砂發清渠養葛為我衣種芳為我

蔬誰能一作畹與畦漫漫連野蕪一作見唐

百家詩選

塞路初晴

雍陶

晚虹斜日塞天昏，一半山川帶雨痕。
新水亂侵青草路，殘煙猶傍綠楊村。
胡人羊馬休南牧，漢將旌旗在北門。
行子喜聞無戰伐，聞者集作時逢遊騎獵秋原。

晚晴

李商隱

深居俯夾城，春去夏猶清。
天意憐幽草，人間重晚晴。
併添高閣曉，微注小窓明。
越鳥巢乾後，歸飛體更輕。

白石潭秋霽作

周繇

映水鷓鴣近夕陽萬事無成空過日十年多難未還鄉
不知何處銷茲恨轉覺愁隨夜夜長

答韋先輩春雨後見寄

劉得仁

風散五更雨鳥啼三月春軒窓透初日硯席絕纖塵
箇箇峰頭出家家樹色新憐君高且靜有句寄幽人

春日雨後作

前人

朝來微有雨天地爽無塵北闕明如畫南山碧動人車
輿終日別草樹一城新枉是吾君戚何門謁紫宸

潭心烟霧破斜暉
殷殷雷聲隔翠微
崖蹙盤渦翻蜃窟
灘吹白石上漁磯
陵風舴艤謳啞去
出水鷓鴣薄泊飛
秋霽更誰同此望
遠鐘時見一僧歸

文苑英華卷一百五十五

欽定四庫全書

文苑英華卷一百五十六 宋 李昉等 編

天部六

風十七首

雜題風十三首

雲八首

雜題雲六首

霜二首

露九首

霧六首

煙霞二首

天河三首

虹蜺二首

風

詠風

梁簡文帝

飄飄

類聚作飄飄

散芳勢泛漾下蓬萊傳涼入鏤檻發氣滿

瑤臺委禾周邦偃飛鷗宋都迴亟搖故葉落屢蕩新花

開暫舞驚鳧去時送藥香來已拂巫山雨何用卷寒灰

同前

梁沈約

類聚作梁孝元帝

樓上試

類聚作起

朝粧風花下砌傍入鏡光飄粉翻衫好染

香逐

類聚作度

舞飛長袖傳歌共遶梁欲因吹少女還將拂

大王

同前

梁沈約

見類聚

作梁臨春風春風起春樹遊絲暖如烟落花紛似霧先

泛天淵

類聚作津

池還過細柳枝葉逢飛搖漾燕值羽差池

類聚作參差下句有飛參差

楊桂旆動芝蓋開燕裙吹趙帶趙帶飛

參差燕裙合且離回省復轉黛顧步惜容儀容儀已照
灼春風復回薄氛氳桃李花青跗含素萼既為風所開
復為風所落搖綠帶抗紫莖舞春雪雜流鶯曲房開兮

金鋪響金鋪響兮思鳳鳴梧臺未陰淇水始碧迎行雨
於高唐送歸鴻於碣石經洞房響紈素感幽閨思帷帘
想西園可以遊念蘭翹已堪摘拂明鏡之冬塵解羅衣
之秋裝既鏗鏘以動珮又氛氲而流射始搖蕩以入閨
終徘徊而緣隙鳴珠簾於綉戶散芳塵於綺席是時悵
思歸安能久行役佳人不在茲春風為誰惜

同前

劉孝綽

嫋嫋秋聲習習風吹鳴茲玉樹渙

集作
煥

此銅池羅帷自

舉襟袖集作袖衿乃披慚非楚侍濫賦雄雌

同前

王臺卿

浸淫不可議

類聚作識

去來非有情乍見珠簾捲時覺洞房

清暫拂蘭池上澹淡玉波

類聚作塵

生一辨雄雌異還惡庶

人輕

同前

庾肩吾

宋地鷓飛初湘州燕起餘拂烟

類聚掃埭

聊動竹吹薤欲成

書蒼梧桐尚

一作猶

在合浦樹應疎陽鳥一轉翅千里定

非虛

同前

梁何遜

可聞不可見能重復能輕鏡前飄落粉琴上響餘聲

同前

祖孫登

見藝文類聚

飄颻楚王宮徘徊繞竹叢帶葉俱吟樹將花共舞空飄香雙袖裏亂曲五絃中試上高臺聽悲響定無窮

同前

阮卓

高風應夾節搖落漸疎林吹雲旅鴈斷臨谷曉松吟屢

惜初學記
作棄涼秋扇常飄清夜琴泠泠隨列子彌諧逸豫

心

同前

唐太宗

見初學記

蕭條起關塞搖颺下蓬瀛拂林花亂彩響谷鳥分聲披
雲羅影散泛水織文生勞歌大風曲威加四海清

同前

應魏
王教

虞世南

見初學記

逐風飄輕袖傳歌共繞梁動枝生亂影吹花送遠香

同前

董思恭

蕭蕭度閭闔習習下庭闈花蝶自飆初學記作飆舞蘭蕙生

光暉相鳥正舉翼退鷁已驚飛方從列子御更逐白初學

記作浮雲歸

同前

王勃

肅肅涼景一作風生加我林壑清驅烟尋初學記作入澗戶卷

霧出山楹去來固無跡一作際動息如有情日落山水靜

為君起松聲

同前

李嶠

落日正沉沉微風生北林

集作落日生蘋末搖風偏遠林

帶花疑

集作迎

鳳舞向竹似龍吟月動臨秋扇松清入夜琴若至蘭臺

下

集作蘭臺宮殿峻

還拂楚王襟

同前

李商隱

春風雖自好春物太昌昌若教春有意唯遣一作遺一枝

芳我意殊春意先春已斷腸

同前

張祐

遙遙輕

集作搖搖歌

扇舉悄悄舞衣輕引笛秋臨塞吹沙夜

遠城向峰回鴈影出峽送猿聲何似琴中奏依依別帶

情

同前

韓

琮

類詩作
韓琮

競持飄忽意何窮為盛為衰半不同偃草喜逢新雨後
鳴條誰類詩聽曉霜中涼飛玉管來秦甸暗裊花枝入
楚宮莫見東西便無定滿帆還有濟川功

雜題風

春風

梁賀文標

排簾動輕幃類聚作幔汎水拂垂楊本持飄葉落翻送舞衣香

入幌風

梁費昶

經芳泛寶瑟乘隙動浮埃鉞金驅響至舉袂送芳來能使蘭膏滅乍見珠簾開輕裾試一舉令子暫遲回

賦得風生翠竹裏應教

張正見

見初學記

金風起燕觀翠竹夾涼池翻花疑鳳下颺水覺龍移帶露依深葉飄寒入勁枝聊因萬籟響詎待伶倫吹

秋風

駱賓王

紫陌炎氛

集作氣

歇青蘋晚吹浮亂竹搖疎影縈池織細

流飄香曳舞袖帶粉泛粧樓不怨

集作分

君恩絕紈扇曲

中秋

守風銅官渚

杜甫

昨夜楚帆落避風湘渚間水耕先浸草春火更燒山早
泊雲物晦逆行波浪慳飛來雙白鶴過去杳難攀

新林浦阻風寄友人

李白

潮水定可信天風難與期
清晨西北轉薄暮東南吹
以此難挂席徘徊益相思
海月破圓景菰蔣生綠池
昨日北湖梅開花已滿枝
今朝東門柳夾道拂青絲
歲物忽如此我來復幾時
紛紛江上雪草草客中悲
明發新林浦空吟謝朓詩

永城使風

盧象

長風起秋色細雨含落輝

一作輝

夕鳥向林去晚帆相逐

飛虫聲出亂草水氣薄行衣
一別故鄉道悠悠今始歸

汴河阻風

孟雲卿

清晨自梁宋掛席之楚城一作荆幽浦風漸惡傍灘舟欲

橫大河噴間氣集東注一作大河羣洞皆窅間氣集冥作昏

白霧一作露魚龍氣黑雲牛馬形間氣集蒼茫迷所

適一作過色間氣集惟安暫寧信此天地內孰為間氣集

一作後身命輕丈夫苟未達所向湏有成間氣集前路捨

舟去一作棹東南仍間氣集晚晴作應

此詩二百九十三卷重出今已削去異同注為一

作

富陽南樓望浙江風起

張南史

南樓渚風起樹杪見滄波稍覺征帆上蕭蕭五兩

一作暮雨

多沙洲殊未極雲水更相和欲問任公子垂綸意若何

竹窓聞風早寄苗發司空曙 李益

微風驚暮坐臨牖思悠哉開門復動竹疑是故人來能

文粹滴枝上露稍沿階上苔幸文粹當一入幌為拂綠

塵

文粹作琴埃

江上風

釋皎然

江風西復東飄暴忽何窮初生虛無際稍起蕩漾中應
吹夏口檣竿折定覺溢城浪花咽今朝莫怪沙岸明昨
夜聲狂卷成雪

始聞秋風

劉禹錫

昔省黃菊與君別今聽玄蟬我却回五夜颼颼枕前覺
一年顏狀鏡中來馬思邊草拳毛動鵬盼青雲睡眠開
天地肅清堪四望為君扶病上高臺

西風

白居易

西風來幾日一葉已先飛
新霽垂輕屐初涼換熟衣
淺

渠鋪

集作銷

慢水疎竹透斜暉
薄暮青苔巷家童引鶴歸

雲

雲

和周逌已見一百五十四卷作雪詩

梁吳均

同前

于李子

見初學記

瑞雲千里暎祥暉
四望新隨風亂鳥足
泛水結魚鱗布
葉疑臨夏開
花詎待春願得承
嘉景無令掩桂輪

同前

董思恭

帝鄉白雲起飛蓋上天衢帶月綺羅袂從風枝葉敷參
差過層閣倏忽下蒼梧因風望既遠安得久踟蹰

同前

大梁白雲起氛氲殊未歇錦文觸石來蓋影凌天發煙
燭萬年樹掩映三秋月會入大風歌從龍赴魏闕

單題詩與

此詩同異今並注于下英英大梁國郁郁秘書臺碧落
從龍起青山觸石來官名光遠古蓋影耿輕埃飛感高
歌發威加
四海迴

同前

杜甫

龍似集作

瞿塘會江依白帝深終年常起峽每夜必通

過一作林收穫辭霜渚分明在夕岑高齋非一處秀氣豁

煩襟

同前

杜牧

盡日看雲首不迴無心都大侶無才可憐光彩一片玉
萬里青天何處來

同前

韓

琮

類詩作
韓琮

欽定四庫全書

文苑英華
卷一百五十六

深惹離情

類詩作輕
惹離愁

靄落暉如車如蓋早依依
山頭觸

石應常在天際從龍自不歸
莫向隙窓籠夜月好來仙
洞濕行衣春風淡蕩無心後
見說襄王夢亦稀

同前

羅隱

溶溶洩洩自舒張不向蒼梧即帝鄉
莫道無心便無事
也曾愁殺楚襄王

雜題雲

和王中書德充詠白雲

梁沈約

白雲自帝鄉氛氳屢迴沒蔽虧崑山樹含吐瑤臺月秋
風西北起飄我過城闕城闕已參差白雲復離離皎潔
在天漢倒影入華池將過丹丘野時至碧林垂九重迎
飛燕萬里送翔螭

秋雲

駱賓王

南陸銅渾改西郊玉葉輕泛斗瑤光暗集作動臨陽瑞色

明蓋陰連鳳闕陣影翼龍城誰知時不遇空傷留滯情

賦得歸雲送友人

集作李山人

歸華山

錢起

秀色橫千里歸雲積幾重欲依毛女岫初卷少姨峰蓋
影隨征馬衣香拂卧龍祇應幽谷上真氣日溶溶

溪雲

釋皎然

舒卷意何窮縈流復帶空有形不累物無跡去隨風莫
怪長相逐飄然與我同

慶雲現

李紳

禮成中岳陳金冊祥報卿雲冠玉峰輕未透林疑待鳳

細非行雨詎從龍
卷風變彩霏微薄
照日籠光隱映重
還入九霄成沈澀
夕嵐生處鶴歸松

孤雲

于武陵

南北各萬里有雲心
更閒因風離海上
伴月到人間
洛

浦少高

百家詩
作佳

樹長安無舊山
徘徊不可駐

百家詩
作佳 漢

漢又東還

霜

霜

梁張率

駟見視乾度鐘鳴測地機秋冬交代序申霜白綏綏原
野生暮靄堦墀散夕霏徘徊總巖氣悵望淪清輝平臺
寒月色池水愴風威凝陰洞初學記徂夜遮鴈獨歸飛
縈叢亂蕪絕繁林紛已稀真松非受令芳草徒具腓

同前

蘇味道

金祗暮律盡玉女暝氣

集作氣

歸孕冷隨鐘徹飄華逐劍

飛帶日浮寒景乘風盡曉威自有真筠質寧將庶草腓

露

驚早露

梁劉蟾

初學記
作愴

九畹凝芳葉百草縈新珠盈荷雖不潤拂竹竟難枯

賦得露

梁顧愷

飛空猶蘊伏

初學記
作狀

集物始呈華萎黃病秋菊厭浥長

春芽非唯薄蔓草頗亦變蕪葭仍增江海浪聊點木蘭
花

賦得胥臺露

庾抱

胥臺既落構荆棘稍侵扉棟折連霞

古樂府初學
記並作雲

影梁

推照日暉翔鷄逐不及巢燕返無歸唯有團階露承曉
共沾衣

露

駱賓王

玉關寒氣早金塘秋色歸泛掌光逾淨添河

集作荷

滴尚

微變霜凝曉液承月婁圓輝別有吳臺上應濕楚臣衣

同前

董思恭

夜色凝仙掌晨甘下帝庭不覺九秋至遠向三危零蘆
渚花初白葵園葉上青晞陽一洒惠方願溢滄溟

同前

李嶠

滴瀝明花苑
葳蕤泣竹叢
玉垂丹棘上
珠湛綠荷中
夜警千年鶴
朝零七月風
願凝仙掌內
長奉未央宮

同前

李正封

霏霏靈液重
雲表無聲落
沾樹急玄蟬
洒池淒皓鶴
流塵清遠陌
飛月澄高閣
宵潤玉堂簾
曙貫文粹作寒金井索

佳人比珠淚
坐感紅綃薄

秋露

雍陶

白露曖秋色月明清漏中
痕沾珠箔重點落玉盤空
竹動時驚鳥莎寒暗滴虫
滿園生水夜漸欲與霜同

露

韓琮

長隨聖澤墮堯天
濯遍幽蘭葉葉鮮
纔喜輕塵銷陌上
已愁新月到堦前
文騰要地成非久
珠綴秋荷偶得圓
幾處花枝抱離恨
曉風殘月正潸然

霧

行舟遇早霧

梁伏挺

水露

類聚作霧

雜山煙冥冥不見天
聽猿方村岫聞籟

類聚作瀨

始知川漁人感澳浦行舟迷
沂沭日中氛靄盡空水共

澄鮮

霧

沈趨

窈鬱蔽園林
依霏被軒牖
睇有始疑空
瞻空復如有遊
蛇隱遙漢文
豹棲南阜既
殊三五輝
遠望徒延首

同前

董思恭

蒼山寂已暮
翠觀暗將沉
終南晨豹隱
巫峽夜猿吟
天

寒氣不歇景晦色方深待訪公超市將予赴華陰

同前

蘇味道

氤氳起洞壑遙裔匝平疇乍似含龍劍還疑暎蜃樓拂
林隨雨密度迥帶烟浮方謝公超步終從彥輔遊

同前

李嶠

曹公之

一作述

夢澤漢帝出平城別有丹山霧朦朧暎水

明

一作涿野妖氣靜丹山脣色明

類烟霏

一作飛

稍重方雨散還輕倘入

非熊繇寧思玄豹情

凌霧行

常應物

秋城海霧重，職事凌晨出。浩浩合元天，溶溶迷朗

集作朝

日。纔看含鬢白，稍視

集作似

霑衣。密道騎全不分，郊樹都

如失。霏微誤噓吸，膚腠生寒慄。當歸

集作歸當

飲一盃，庶用

蜀期疾

煙霞

煙

李 嶠

瑞氣凌霄閣，空濛上翠微。迴浮雙闕路，遙拂九仙衣。桑

柘凝寒色松篁暗晚暉還當紫霄上時接彩鸞飛

霞

前人

應是行雲未擬歸變成春態媚清暉深如綺色斜分閣
碎似花光散滿衣天際欲銷重慘淡鏡中間照正依稀
曉來何處低臨水無限鴛鴦妬不飛

天河

賦得秋河曙耿耿

張正見

見初學記

耿耿長河曙泛濫宿雲浮天路橫秋水星橋轉夜流月

下姮娥落風驚織女秋德星猶可見仙槎不復留

同前

陳閏

曉鏡高秋夜微明欲曙河橋成鵲已去機罷女應過月
上殊開練雲行類動波尋源不可到耿耿復如何

天河

杜甫

見集本

常時任顯晦秋至輒分明縱被微雲掩終當永夜清舍
星動雙闕伴月落邊城牛女年年渡何曾風浪生

虹蜺

虹蜺

董思恭

見初學記

春暮萍生早日落雨飛餘橫彩分長漢倒色媚清渠梁
前朝影出橋上晚光舒願遂旌旗轉飄飄侍直廬

同前

蘇味道

紆餘帶星渚窈窕架天淥空因壯士見還共美人沉逸
勢含良玉神光藻瑞金獨留長劔彩終負昔賢心

文苑英華卷一百五十六